



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱԿԱՆ ՎԵՐԱՔՆՆԻՉ ԴԱՏԱՐԱՆ

Գործ թիվ ՎԴ/11037/05/13

Ո Ր Ո Շ ՈՒ Մ

ՎԵՐԱՔՆՆԻՉ ԲՈՂՈՔԸ ՎԱՐՈՒՅԹ ԸՆԴՈՒՆԵԼՈՒ ԵՎ ԴԱՏԱՎԱՐՈՒԹՅԱՆ ՄԱՍՆԱԿՑԻՆ
ԻՐԱՎԱՅԱԶՈՐԴՈՎ ՓՈԽԱՐԻՆԵԼՈՒ ՄԱՍԻՆ

«17» հունիսի 2014թ.

ք. Երևան

Հայաստանի Հանրապետության վարչական վերաքննիչ դատարանը
(այսուհետ՝ Վերաքննիչ դատարան) հետևյալ կազմով.

Նախագահող դատավոր Քրիստինե Մկոյան,
դատավոր Արթուր Առաքելյան,
դատավոր Գալուստ Ղարիբյան,

քննարկելով, ըստ հայցի Հայաստանի Հանրապետության կառավարությանն առընթեր պետական եկամուտների կոմիտեի Հրազդանի տարածքային հարկային տեսչության ընդդեմ անհատ ձեռնարկատեր Հովհաննես Առաքելի Առաքելյանի՝ 404.428 ՀՀ դրամ գումարի բռնագանձման պահանջի մասին, թիվ ՎԴ/11037/05/13 վարչական գործով Հայաստանի Հանրապետության վարչական դատարանի 2014 թվականի մայիսի 13-ի վճռի դեմ ՀՀ կառավարությանն առընթեր պետական եկամուտների կոմիտեի Հրազդանի տարածքային հարկային տեսչության կողմից ներկայացված վերաքննիչ բողոքը վարույթ ընդունելու և իրավահաջորդով փոխարինելու հարցը,

Պ Ա Ր Զ Ե Ց

26.11.2013 թվականին Հայաստանի Հանրապետության վարչական դատարան /այսուհետ նաև՝ Դատարան/ ներկայացրած հայցադիմումով Հայաստանի Հանրապետության կառավարությանն առընթեր պետական եկամուտների կոմիտեի Հրազդանի տարածքային հարկային տեսչությունը խնդրել է անհատ ձեռնարկատեր Հովհաննես Առաքելի Առաքելյանից հօգուտ պետական բյուջեի բռնագանձել 404.428 ՀՀ դրամ:

Դատարանը /դատավոր Ս. Հովակիմյան/ 13.05.2014 թվականի վճռով Հայաստանի Հանրապետության կառավարությանն առընթեր պետական եկամուտների կոմիտեի Հրազդանի տարածքային հարկային տեսչության հայցը բավարարել է մասնակի, վճռել է՝ անհատ ձեռնարկատեր Հովհաննես Առաքելի Առաքել-

յանից հոգուտ պետական բյուջեի բռնագանձել 34.400 ՀՀ դրամ՝ որպես եկամտահարկ, որից ապառք՝ 17.600 ՀՀ դրամ, տույժ՝ 16.800 ՀՀ դրամ, ինչպես նաև 1.500 ՀՀ դրամ՝ որպես նախապես վճարված պետական տուրքի գումարի փոխհատուցում: Հայցապահանջը 370.028 ՀՀ դրամ պարտադիր սոցիալական ապահովության վճար, որից ապառք՝ 240.000 ՀՀ դրամ, տույժ՝ 130.028 ՀՀ դրամ բռնագանձելու մասով մերժվել է:

Նշված վճռի մերժված մասի դեմ 30.05.2014 թվականին Հայաստանի Հանրապետության կառավարությանն առընթեր պետական եկամուտների կոմիտեի Հրազդանի տարածքային հարկային տեսչության կողմից ներկայացել է վերաքննիչ բողոք:

ՀՀ կառավարությանն առընթեր պետական եկամուտների կոմիտեի Հրազդանի տարածքային հարկային տեսչությունը 17.06.2014 թվականին ներկայացրել է միջնորդություն, որով խնդրել է թիվ ՎԴ/11037/05/13 վարչական գործով որպես իրավահաջորդ, բողոք բերած անձ ճանաչել Հայաստանի Հանրապետության ֆինանսների նախարարության Հրազդանի տարածքային հարկային տեսչությանը:

Վերաքննիչ դատարանը գտնում է, որ վերաքննիչ բողոքը ենթակա է վարույթ ընդունման, քանի որ համապատասխանում է Հայաստանի Հանրապետության վարչական դատավարության օրենսգրքի 134-րդ հոդվածի պահանջներին և բացակայում են նույն օրենսգրքի 136-րդ և 137-րդ հոդվածներով նախատեսված՝ վերաքննիչ բողոքը վերադարձնելու և վերաքննիչ բողոքի ընդունումը մերժելու հիմքերը:

Միաժամանակ վերաքննիչ դատարանը փաստում է, որ Հայաստանի Հանրապետության կառավարության 2014 թվականի մայիսի 8-ի N° 500-Ն որոշման (ուժի մեջ է մտել 2014 թվականի մայիսի 17-ին) 1-ին կետով «Հայաստանի Հանրապետության ֆինանսների նախարարության աշխատակազմ» պետական կառավարչական հիմնարկը և «Հայաստանի Հանրապետության կառավարությանն առընթեր պետական եկամուտների կոմիտեի աշխատակազմ» պետական կառավարչական հիմնարկը միաձուլման ձևով վերակազմակերպվել է՝ ստեղծելով «Հայաստանի Հանրապետության ֆինանսների նախարարության աշխատակազմ» պետական կառավարչական հիմնարկ:

Նույն որոշման 4-րդ կետով ուժը կորցրած է ճանաչվել Հայաստանի Հանրապետության կառավարության 2008 թվականի սեպտեմբերի 4-ի «Հայաստանի Հանրապետության կառավարությանն առընթեր պետական եկամուտների կոմիտեի կանոնադրությունը և աշխատակազմի կառուցվածքը հաստատելու մասին» N° 1005-Ն որոշումը, իսկ 3-րդ կետի 2-րդ ենթակետով հաստատված 2-րդ հավելվածով նոր խմբագրությամբ է շարադրվել Հայաստանի Հանրապետության կառավարության 2008 թվականի մայիսի 15-ի «Հայաստանի Հանրապետության ֆինանսների նախարարության կանոնադրությունն ու աշխատակազմի կառուցվածքը հաստատելու և Հայաստանի Հանրապետության կառավարության 2002 թվականի հուլիսի 11-ի N 1460-Ն որոշումն ուժը կորցրած ճանաչելու մասին» N 503-Ն որոշման N° 2 հավելվածը, որի համաձայն, Հայաստանի Հանրապետության ֆինանսների նախարարության աշխատակազմի կառուցվածքում գործում է Հրազդանի տարածքային հարկային տեսչությունը:



Նման պայմաններում Վերաքննիչ դատարանն արձանագրում է, որ սույն գործով հայցվոր Հայաստանի Հանրապետության կառավարության առընթեր պետական եկամուտների կոմիտեի Հրազդանի տարածքային հարկային տեսչությունը վերակազմակերպվել է և դրա արդյունքում դուրս է եկել դատավարությունից:

Հայաստանի Հանրապետության վարչական դատավարության օրենսգրքի 20-րդ հոդվածի 1-ին մասի համաձայն՝ «դատավարությունից կողմերից մեկի դուրս գալու դեպքում (իրավաբանական անձի կամ վարչական մարմնի վերակազմակերպում, ֆիզիկական անձի մահ կամ պարտավորություններում անձանց փոփոխման այլ դեպքեր) դատարանը կատարում է այդ կողմի փոխարինում նրա իրավահաջորդով, որի վերաբերյալ կայացնում է որոշում՝ առանձին դատական ակտի տեսքով»:

Վերոգրյալից ելնելով և նկատի ունենալով, որ, N^o 500-Ն որոշման համաձայն, դատավարությունից դուրս եկած մասնակցի իրավահաջորդն է հանդիսանում ՀՀ ֆինանսների նախարարության Հրազդանի տարածքային հարկային տեսչությունը՝ Վերաքննիչ դատարանը գտնում է, որ անհրաժեշտ է կատարել դատավարության մասնակցի փոխարինում իրավահաջորդության կարգով:

Վերոգրյալի հիման վրա և ղեկավարվելով Հայաստանի Հանրապետության վարչական դատավարության օրենսգրքի 20-րդ հոդվածի 1-ին մասով, 135-րդ հոդվածով՝ Վերաքննիչ դատարանը

Ո Ր Ո Շ Ե Ց

Թիվ 47/11037/05/13 վարչական գործով հայցվոր Հայաստանի Հանրապետության կառավարության առընթեր պետական եկամուտների կոմիտեի Հրազդանի տարածքային հարկային տեսչությունը փոխարինել իրավահաջորդով՝ Հայաստանի Հանրապետության ֆինանսների նախարարության Հրազդանի տարածքային հարկային տեսչությամբ:

Թիվ 47/11037/05/13 վարչական գործով ըստ հայցի Հայաստանի Հանրապետության ֆինանսների նախարարության Հրազդանի տարածքային հարկային տեսչության ընդդեմ անհատ ձեռնարկատեր Հովհաննես Առաքելի Առաքելյանի՝ 404.428 ՀՀ դրամ գումարի բռնագանձման պահանջի մասին, Հայաստանի Հանրապետության վարչական դատարանի 2014 թվականի մայիսի 13-ի վճռի դեմ Հայաստանի Հանրապետության ֆինանսների նախարարության Հրազդանի տարածքային հարկային տեսչության կողմից ներկայացված վերաքննիչ բողոքը ընդունել վարույթ և գործի քննությունը նշանակել 2014 թվականի սեպտեմբերի 30-ին, ժամը 11:00-ին Հայաստանի Հանրապետության վարչական վերաքննիչ դատարանի շենքում (ք.Երևան, Թբիլիսյան խճուղի 3/9, 2-րդ հարկ, դատական նիստերի դահլիճ թիվ 9-րդ):

ՆԱԽԱԳԱՅՈՂ ԴԱՏԱՎՈՐ



ԴԱՏԱՎՈՐ

Ա ՍՈՍՔԵԼՅԱՆ



ԴԱՏԱՎՈՐ

Գ. ՂԱՐԻՔՅԱՆ

